

全上古三代秦漢三國六朝文

全後魏文卷十三

烏程嚴可均校輯

孝武帝

帝諱脩字孝則廣平王懷第三子永安三年封平陽王中興二年三月卽位改元太昌其年十二月改元永興尋改爲永熙在位三年西遷長安爲宇文泰所弑諡曰孝武皇帝

卽位改元詔

太昌元年四月

否泰相治廢興互有玄天無所隱精靈弗能論大魏統乾德漸區宇牢籠九服旁礴三光而上天降禍連踵多難禮樂崩淪憲章漂沒赫赫宗周翦爲戎寇肅肅清廟將成茂草胡羯乘機肆其昏虐殺君害王剗剔海內競其吞噬之意不識醉飽之心自書契以來未有若斯者已大丞相渤海王忠存本朝精貫白日爰舉義旗志雪國恥故廣阿之軍貔虎奪氣鄴下之師金湯失險近者四胡相

率實繁有徒驅天下之兵盡華戎之銳桴鼓暫交一朝湯滅元兇
授首大憝斯擒揚旆濟河埽清伊洛士民安堵不失舊章社稷危
而復安洪基毀而還構朕曰託體宸極猥當樂推祇握寶圖承茲
大業得曰眇身託于王公之上若涉淵水罔識攸津思與兆民同
茲嘉慶可大赦天下改中興二年爲太昌元年

魏書出
帝紀

賑贍孤老疾病詔

無侮俾獨事炳前經惠此鰥寡聲雷往冊朕曰薄德作民父母乃
眷元元寤言增歎今聖運惟新哀矜伊始如有孤老疾病無所依
歸者有司明加隱括依格賑贍

魏書出
帝紀

議定條格詔

理有一準則民無覲覲法啟二門則吏多威福前主爲律後主爲
令歷世永久實用滋章非所旨準的庶品隄防萬物可令執事之
官四品已上集于都省取諸條格議定一途其不可施用者當局

停記新定之格勿與舊制相連務在約通無致冗濫

魏書出帝紀

理覆露屍詔

頃西土年饑百姓流徙或身倚溝渠或命懸道路皆見棄草土取厭烏鳶言念于此有警夜寐掩骼之禮誠所庶幾行瑾之義冀亦可勉其諸有露屍令所在埋覆可宣告天下

魏書出帝紀

汎級詔 太昌元年六月

內外百司普汎六級在京百寮加中興四級義師將士竝加軍汎六級在鄴百官三級河北同義之州兩級河橋建義者加五級關西二級諸受建明普泰封爵汎級優特之階悉追

魏書出帝紀

租調詔 太昌元年六月

聞者凶權誕恣法令變常遂立夷貊輕賦冀收天下之意隨已貧斂之重終納十倍之征掩目捕雀何能過此朕屬念烝黎無忘寢食加田桑始事生業未滋若頓依常格或不周展今歲租調且兩

收一弓來年復舊

魏書出帝紀

汎階詔

太昌元年七月乙未

頃永安馭運載育皇儲遂錫汎階旨申國慶近經普泰便爾中追
今罪人既殄舊章斯復宜述往旨用率前恩皇子汎二級悉可還
授文穆廟汎故宜停寢若已受者依例追之

魏書出帝紀

報高歡請遷都鄴詔

太昌元年七月壬寅

高祖定鼎河洛為永永之基經營制度至世宗乃畢王既功在社

稷宜遵太和舊事

北齊書神武紀下初神武自京師將北召為洛陽久經喪亂不如鄴請遷都魏帝曰云云神武

奉詔又見

北史六

定大成樂名詔

永熙二年春

王者功成作樂治定制禮已成為號良無間然又六代之舞者已
大為名今可準古為大成也凡音樂已舞為主故干戈羽籥禮亦
無別但依舊為文舞武舞而已餘如議

魏書樂志長孫稚祖瑩表新樂堂復議樂名為嘉

成孝武詔又見通

典一百四十二

參佐詔 永熙二年四月

諸參佐自三府已下爰及外州皆不得復加常侍及兼兩員雖已

授者亦悉追之

魏書出
帝紀

申幽杜詔 永熙二年五月庚寅

諸幽枉未申事經一周已上悉集華林將親覽察脫事已經年有

司不列者聽其人各自陳訴若事連州郡由緣淹歲者亦仰尙書

總集已聞

魏書出
帝紀

大夫員外不帶領詔 永熙二年五月乙巳

大夫之職位秩貴顯員外之官亦爲匪賤而下及胥吏帶領非一

高卑渾雜有損彝章自今已後京官樂爲稱事小職者直加散號

將軍願罷卑官者聽爲大夫及員外之職不宜仍前散實參領其

申旨特加者不在此例

魏書出
帝紀

報宇文泰詔

永熙三年

賀拔岳既殞，士眾未有所歸，卿可爲大都督，卽相統領。知欲漸就東下，良不可言。今亦徵侯莫陳悅、士馬入京，若其不來，朕當親自致罰，宜體此意。不過淹留。

周書文
帝紀上

南征詔

永熙三年五月辛卯

大魏得一居宸，乘六馭宇，收風雲之所會，宅日月之所中。自北而南，東征西怨，後來其蘇，無思不偃。而句吳負險，久遺度外。世祖太武皇帝，握金鏡，日照耀，擊玉鼓，日鏗鐸，神武之所牢籠，威風之所轡轡，莫不雲徹霧卷，瓦解冰消。長江已北，盡爲魏土，頃天步中圯，國綱時屯，凶豎因機，互窺上國，疆場侵噬，州郡淪胥，乃眷東顧，無忘寢食。自非五牛警旆，七萃案部，何已復文武之舊業，拯塗炭于遺黎，朕將親總六軍，徑臨彭汴，一勞永逸，庶保無疆。內外百寮，便可嚴備，出頓之期，更聽後敕。

魏書出
帝紀

密詔高歡 永熙三年六月丁巳

宇文黑獺自平破秦隴，多求非分，朕有變詐，事資經略，但表啟未全，背戾進討，事涉忽忽，遂召羣臣議其可否，僉言假稱南伐，內外戒嚴，一則防黑獺不虞，二則可威吳楚。

北齊書 武紀下

詔高歡

曾與乾邑私有盟約，今復反覆兩端。

北齊書 高乾傳

科贈陣亡將士詔 永熙三年六月丙子

頃年已來，天步時阻，干戈不戢，荆棘斯生，或徇節感恩，奮不顧命，或臨戎對敵，赴難如歸，身首橫分，骸骨不斂，動誠靡錄，榮贈莫加，寤寐矜之，良有嗟悼，可普告內外所在言列，若無親近，聽故友陳之，尚書檢實，隨狀科贈，庶懸慰冤魂，少申惻隱。

魏書出帝紀

又敕高歡

王若厭伏人情，杜絕物議，唯有歸河東之兵，罷建興之戍，送州

之粟追齊州之軍合蔡儒受代使邸珍出徐止戈散馬各事家業
脫須糧廩別遣轉輸則讒人結舌疑悔不生王高枕太原朕垂拱
京洛終不舉足渡河已干戈相指王若馬首南向問鼎輕重朕雖
無武欲止不能必爲社稷宗廟出萬死之策決在于王非朕能定
爲山止簣相爲借之

北齊書神武紀下

文帝

帝諱寶炬孝文帝之孫京兆王愉之子歷安南將軍大鴻臚卿
永安末封南陽王累遷驃騎大將軍開府太昌初進太尉永熙
中進太宰己三年閏十二月卽位是爲西魏恭帝大統在位十
七年諡曰文皇帝

進封寇洛詔

大統初

往者侯莫陳悅遠同逆賊潛害故清水公岳志在兼并當時造次
物情驚駭使持節驃騎大將軍儀同三司前涇州刺史大都督臨

邑縣開國公寇洛忠款自心勲誠早立遂能糾合義軍日待大丞相見危授命惟賢而奉此而不賞何已勸勵將來可加開府進爵

京兆郡公封洛母宋氏爲襄城郡君

周書寇洛傳

獨孤信歸國下詔

大統三年

如願荆襄之役實展功效既屬強寇力屈道窮歸賊不可還朝恪絕適事求宜未足稱過違難句吳誠貫夷險義全終始良可嘉歎復情存謙退款心謝責寧容議及恩降止云免咎斯則事失權宜理乖通變可轉驍騎大將軍加侍中開府其使持節儀同三司浮

陽郡公悉如故

周書獨孤信傳信本名如願

答周惠達手詔

大統四年

西顧無憂唯公是屬肅寇之重溪所寄懷

周書周惠達傳

詔盧恭祖

大統九年

經師易求人師難得朕諸兒稍長欲令卿爲師

周書盧誕傳

報宇文泰

大統九年

公膺期作宰、義高匡合、仗鉞專征、舉無遺算、朕所已垂拱九載、實資元輔之力、俾九服寧謐、誠賴翊贊之功、今大寇未殄、而呂諸將失律、便欲自貶、漢虧體國之誠、宜抑此謙光、恤予一人、周書文帝紀下太祖

呂郎山之戰諸將失律上表請自貶魏帝報

恭帝

帝諱廓、文帝第四子、大統十四年封齊王、百廢帝三年四月即

位、北史作正月通鑑考異引三在位三年、禪于周、封宋公、國典略作三月今從周書

下拓跋儉詔二年

吳人未獲、須助謀謀、今使梁王兵馬受公節度、廣信指跋儉碑

制六樂歌舞詔三年正月

六樂尚矣、其聲歌之節、舞蹈之容、寂寥已絕、不可得而詳也、但方行古人之事、可不本于茲乎、自宜依準制其歌舞祀五帝日月星

辰隋書卷之樂志中恭帝元年平荊州大獲

禪位詔三年十二月庚子

予聞皇天之命不于常惟歸于德故堯授舜舜授禹時其宜也天
厭我魏邦垂變昌告惟爾罔弗知予雖不明敢弗冀天命格有德
哉今踵唐虞舊典禪位于周庸布告遐邇焉周書孝
周帝紀

禪位冊書

咨爾周公帝王之位弗有常有德者受命時乃天道予式時庸荒
求于唐虞之舜踵曰我魏德之終舊矣我邦小大罔弗知今其可
久拂于天道而不歸有德歟時用詢謀僉曰公昭考文公格勳德
于天地丕濟生民洎公躬又宣重光故玄象徵見于上謳訟奔走
于下天之祿數用實在焉予安敢弗若是日欽祗聖典遜位于公
公其享茲大命保有萬國可不慎歟周書孝
周帝紀

孝靜帝

帝諱善見、清河王亶之世子、永熙三年、孝武西遷、召其年十月
卽位、是爲東魏、改元四、天平元象興和武定、在位十七年、禪于
齊、封中山王、明年遇弑、諡曰孝靜皇帝、

遷鄴詔 天平元年十月

安安能遷自古之明典所居摩定、往昔之成規、是曰殷遷八城、周
卜三地、吉凶有數、隆替無恆、事由于變通、理出于不得已、故也、高
祖孝文皇帝式觀乾象、俯協人謀、發自武州、來幸嵩縣、魏雖舊國、
其命維新、及正光之季、國步孔棘、喪亂不已、寇賊交侵、俾我生民
無所措手、今遠遵古式、溪驗時事、攷龜襲吉、遷宅漳滏、庶克隆洪、
基再昌寶祚、主者明爲條格、及時發邁、魏書孝靜紀

追旌羊敦蘇淑詔

昔五袴興謠、兩岐致詠、皆由仁覃千里、化洽一邦、故廣平太守羊
敦、拔中出、太守蘇淑、竝器業和隱、幹用貞濟、善政聞國、清譽在民、

方藉良才、遂登高秋、先後凋亡、朝野傷悼、追旌清德、蓋惟舊章、可
各賞帛百匹、穀五百斛、班下郡國、咸使聞知、魏書夏史
羊敦傳

贈高湛詔 元象元年正月

故持節都督南荊州諸軍事假鎮軍將軍揚烈將軍員外羽林監
行南荊州諸軍事南荊州刺史當州大都督高子澄、識用開敏、氣
幹英發、擁攝蕃翰、誠效剋宣、臨難殉軀、奄從非命、言命遺績、有悼
于懷、宜申追寵、式光往烈、可贈假節督齊州諸軍事輔國將軍齊

州刺史

高湛墓誌拓本

禁斷城中新立寺詔 元象元年秋

梵境幽玄、義歸清曠、伽藍淨土、理絕賢塵、前朝城內、先有禁斷、自
聿來遷鄴、率由舊章、而百辟士民、屆郊之始、城外新城、咸皆給宅、
舊城中暫時普借、更擬後須、非爲永久、如聞諸人多言二處得地、
或捨舊城所借之宅、擅立爲寺、知非已有、假此一名、終恐因習滋

甚有虧恆式宜付有司精加隱括且城中舊寺及宅並有定帳其

新立之徒悉從毀廢

魏書釋老志

普禁天下造寺詔

元象元年冬

天下牧守令長悉不聽造寺若有違者不問財之所出并計所營

功庸曰枉法論

魏書釋老志

詔高澄

武定五年八月戊辰

既朝野攸憑安危所繫不得合遂本懷須有權奪可復前大將軍

餘如故

北齊書文襄紀

常景去官詔

武定六年

凡杖為禮安車致養敬齒尊賢其來尚矣景執業該通文史淵洽
歷事三京年彌五紀朝章言歸祿俸無餘家徒壁立宜從哀恤
旌元老可特給右光祿事力終其身

魏書常景傳景曰老疾去官詔

詔答杜弼

李君遊神冥竇獨灝恍惚玄同造化宗極羣有從中被外周應可
目裁成自己及物運行可目資用隆家靈國義屬斯文卿才思優
洽業尙通遠息棲儒門馳騁玄肆既啟專家之學且暢釋老之言
戶列門張途通經達理事兼申能用俱表彼賢所未悟遺老所未
聞旨極精微言窮深妙朕有味二經倦于舊說歷覽新注所得已
多嘉尙之來良非一緒已敕殺青編藏之延閣

北齊書杜愔傳
注老子道德經二

卷表上
之詔答

賜進士出身三品銜廣東等處提刑按察使司按察使兼管驛傳事務黃岡王毓藻校刊

全後魏文卷十四

烏程嚴可均校輯

文成文明馮后

后長樂信都人文成卽位選爲貴人太安二年立爲皇后獻文卽位尊爲皇太后臨朝聽政己幸李奕事露獻文暴崩孝文卽位尊爲太皇太后復臨朝聽政太和十四年崩諡曰文明太皇太后有皇詔十八篇勸戒歌三百餘章

答高閭令

六軍電發有若摧朽何慮四難也

魏書高閭傳太和三年出師討淮北閭表請速返旆文明太后

令

答元丕令

臣哉鄰哉鄰哉臣哉君則亡逸于上臣則履冰于下若能如此太平豈難致乎

魏書宗室元丕傳太后親造勸戒歌辭召賜羣官丕上疏贊謝太后令

答程駿表上慶國頌令 太和五年

省詩表聞之歌頌宗祖之功德可爾當世之言何其過也所錄下

章戰之不忘 魏書程駿傳

答程駿表上得一頌令

省表并頌十篇聞之鑒戒既備良用欽翫養老乞言其斯之謂 魏書程駿傳

程駿傳

王叡子襲承襲令

都曹尚書曹百寮之首民所具瞻襲年少智思未周其都曹尚書

令可權記使閑習政事後用不晚 魏書恩倖王叡傳襲代領都曹為尚書令依此承襲大明

襲大明太后令

為咸陽王禧選師傅令 太和元年

自非生知皆由學誨皇子皇孫訓教不立溫故求新蓋有關矣可

于閑靜之所別置學館思信博聞之士為之師傅已匠成之 魏書

成陽王
蕭傳

定樂章令 太和十一年春

先王作樂所已和風改俗北雅曲正聲不宜庭奏可集新舊樂章參採首律除去新聲不典之曲禪增鍾縣鏗鏘之韻

魏書樂志

罪汝陰南安二王令 太和十三年六月

汝陰王天賜南安王樹不順法度顓貨聚斂依犯論坐將至不測卿等爲當存親已毀令爲欲滅親已明法

魏書南安王順傳文明太后高祖並尊皇信堂

引見王公

太后令

報薛虎子令

俸制已行不可已小有不平便虧通式

魏書薛野豬附傳虎子爲徐州上疏請寬省徵調文

明太皇太后令

宣武靈胡后

后安定臨涇人司徒國珍女宣武召爲承華世婦誕孝明進爲

充華嬪孝明卽位尊爲皇太妃尋尊爲皇太后臨朝正光元年
爲元叉劉騰等奏廢幽于北宮禁中孝昌元年四月復臨朝武
泰元年孝明崩詐曰皇女爲皇子卽位數日更立臨洮王子釗
其年四月余朱榮舉兵與幼主俱沈于河孝武卽位追諡曰靈
皇后

樹碑旌美任城國孟太妃令

鴻功盛美實宜垂之永年

魏書列女傳太妃孟氏任城王澄之母

襄陽羅城孟乃勸兵登陣賊不能克

呂狀表開闢

世宗崩事寢靈太后後令

車不更造令

魏書禮志四

羣官已後議折中者便可如奏

魏書禮志四

詔訪五時朝服令

太傅博學洽通多識前載既綜朝儀彌悉其事便可諮訪曰決所

疑

魏書禮志四崔光表定

五時朝服靈太后令

原于忠令

直繩所糾、實允朝憲、但忠事經肆宥、又蒙特原、無宜進罪、餘如奏、

魏書于栗
碑附傳

報田益宗令

卿誠著二朝、勳光南服、作藩萬里、列土承家、前朝往恩、酬敘不淺、
兼子弟荷榮、中表被澤、相口輕重、卿所知悉、先帝曰卿勞舊、州小
祿薄、故遷牧華壤、爰登顯級、于時番兵交換、不生猜疑、而卿息魯
賢等、無事外叛、忠孝俱乖、穢爲戎首、目卿誠重、不復相計、今臥護
征南、榮曰金紫朝廷處遇又甚于先、且卿年老、方就閑養、焉得已
本州爲念、魯賢來否、豈待自往也、但遣慰納、足相昭亮、若審遣信、
當更啟聞、別敕東豫、聽卿喻曉魯賢、
魏書田益宗傳
照平年初益宗
又表乞東豫曰招二子靈太

禁私度僧令

照平二年春

年常度僧依限大州應百人者州郡于前十日解送三百人其中
州二百人小州一百人州統維那與官及精練簡取充數若無精
行不得濫採若取非人刺史爲首目違旨論太守縣令綱察節級
連坐統及維那移五百里外異州爲僧自今奴隸悉不聽出家諸
王及親貴亦不得輒啟請有犯者目違旨論其僧尼輒度他人奴
婢者亦移五百里外爲僧僧尼多養親識及他人奴婢子年大私
度爲弟子自今斷之有犯還俗被養者歸本等寺主聽容一人出
寺五百里二人千里私度之僧皆由三長罪不及己容多隱濫自
今有一人私度皆目違旨論鄰長爲首里黨各相降一等縣滿十
五人郡滿三十人州鎮滿三十人免官察吏節級連坐私度之身
配當州下役

魏書釋
老志

議宗室預祭令

熙平二年七月戊辰

付八座集禮官議定目聞

魏書禮志二江陽王繼表言道
武曾孫不得預祭靈太后令

許江陽王繼助祭令 熙平二年七月

議親律注云非唯當世之屬籍歷謂先帝之五世此乃明親親之義薦骨肉之恩重尙書曰遠及諸孫太廣致疑百寮助祭可得言狹也祖廟未毀曾玄不預壇堂之敬便是宮人之昵反外于附庸王族之近更疏于羣辟先朝舊儀草創未定刊制律憲垂之不朽致之援據甚允情理可依所執 魏書禮志二又見通典五十一

報清河王懌乞議定喪禮令 熙平二年十一月

禮者爲政之本何得不同如此可依表定議 魏書禮志四

謫劉景暉令 熙平中

景暉既經恩宥何得議加橫罪可謫略陽民餘如奏 魏書刑罰志裴延儔上言

月光童子劉景暉妖言惑眾赦後亦宜死坐罪禁言爲不合死坐靈太后令

判侯剛掠殺試射羽林事令

廷尉執處侯剛于法如猛剛既意在爲公未宜便依所執但輕勦

民命理無全捨可削封三百戶解尚書衣典御

魏書恩平侯明傳

答于忠令

神龜元年三月

于忠表如此既誠勳宜錄又無子可矜臨危所祈不容致奪可特

聽如請

呂彰殊效

魏書于栗磾附傳忠疾表乞

宣令張普惠

神龜元年

朕向詔卿與羣臣對議往復既終皆不同卿表朕之所行孝子之

志卿之所陳忠臣之道羣公已有成議卿不得苦奪朕懷後有所

見勿得難言

魏書張普惠傳普惠表議太后父不可稱太上議者奏依前詔太后復遣元又賈琛宜令謂普惠

報李平表糾崔亮令

亮為臣不忠去留自擅既損威稜違我經略雖有小捷豈免大咎

但吾攝御萬幾庶茲惡殺可特聽呂功補過

魏書崔亮傳

報李崇令

省表具悉體國之誠既饗大禮為國之本比呂戎馬在郊未遑修

繕今四表晏寧年和歲稔當敕有司別議經始魏書李崇傳崇表請修學校靈太后

答楊愔魏收邢劭等令

配饗大禮爲國之木比已戎馬在郊未遑修繕今四表晏寧當敕有司別議經始北齊書邢劭傳

封于忠爲靈壽縣公詔

忠已往年天諱之際開崇邑土然酬庸理垂有司執奪豈宜一謬棄其餘勳也但忠歷任禁要誠節皎然宜褒錫山河已安厥望可靈壽縣開國公邑五百戶魏書于栗磾附傳

報元脩義詔

收葬之恩事由上旨藩岳何得越職干陳魏書汝陰王天賜附傳第五子脩義遷秦州刺史肅宗初表陳庶人禧庶人愉等請宥前愆賜葬陵城靈太后詔賜路邑詔

邑莅政清勤善綏民俗比經年儉郡內饑饉羣庶嗷嗷將就溝壑而邑自出家粟賑賜貧窘民曰獲濟雖古之良守何已倘茲宜見霑錫已垂獎勵可賜龍廐馬一匹衣一襲被褥一具班宣州鎮咸使聞知魏書王亮傳

報崔光求補治石經詔神龜元年夏

此乃學者之根源不朽之永格垂範將來憲章之本便可依公表魏書崔光傳

報任城王澄詔

自今已後內外之事嘗經先朝者不得重聞魏書任城王澄傳

又報任城王澄詔

省奏漢體毗贊之情三皇異軌五代殊風一時之制何必詮改必謂虛文設旨理在可申者何容不同來執可依往制魏書任城王澄傳

聽任城王澄召西城馬付太僕詔

王康貞之德有過趙相可敷付履臣成君子大哉之美魏書任城王澄傳西

馬一匹澄請付太僕臣范曄開詔云云

贈元又女鄉主詔

又長女年垂弱笄奄致天喪悼念兼懷可贈鄉主魏書元又傳又女天靈太后詔

定權衡詔

謹權審度自昔令典定章革厯往代良規匡宗室賢亮留心既久

可令更集儒貴臣時驗決必令權衡得中令寸籥不外魏書廣平

傳第五子匡是詔

元匡襲封東平郡王詔

故廣平陽王洛侯體自恭宗茂年薨殞國除祀廢不祀忽諸匡親

同若子私繼歲久宜樹維城永茲磐石可特襲王爵封東平郡王

魏書廣平王洛侯附傳

禁錮元願平詔

顯平志行輕疏每乖憲典可還于別館依前禁錮

魏書安定王休附傳

廢元琰詔

琰在定州惟不將中山宮來自餘無所不致何可更復敕用

魏書河間

王若附傳琰在定州貪怵之極及還朝靈太后詔

別封彭城王勰三子爲縣公詔

故太師彭城武宣王道隆德盛功高微管協契先朝導揚末命扶
病濟難效漢北之誠送往奉居盡魯南之節宗社賴之曰安皇基
由之永固而謙光守約屢擢增邑之賞辭多受少終保初錫之封
非所謂追舊報恩念勳酬德者也可曰前後所封戶別封三子爲
縣公食邑各一千戶庶曰少慰仁魂微申朝典

魏書彭城王勰附傳

皇子踐阼大赦詔

武泰元年二月

皇家握祿受圖年將二百祖宗累聖社稷載安高祖曰文思光天
世宗曰下武經世股肱惟良元首穆穆及大行在御重曰寬仁奉

養率由溫明恭順朕旨寡昧親臨萬國識謝塗山德慙文母屬妖
逆遞興四郊多故實望穹靈降祐麟趾眾繁自潘充華有孕椒宮
誕儲兩而熊羆無兆維祉遂彰于時直己國步未康假稱統胤
欲召底定物情係仰宸極何圖一旦弓劍莫追國道中微大行絕
祀皇曾孫故臨洮王寶暉世子釗體自高祖天表卓異大行平日
養愛特深義齊若子事符當璧及朔日弗念大漸彌留乃延入青
蒲受命玉几暨陳衣在庭登策席及允膺大寶即日踐阼朕是用
惶懼忸怩心焉靡洎今喪君有君宗祏惟固宜崇賞卿士爰及百
辟凡厥在位竝加陟敘內外百官文武督將征人遭艱解府普加
軍功二階其禁衛武官直閤已下直從已上及主帥可軍功三階
其已官失爵聽復封位謀反大逆削除者不在斯限清議禁錮亦
悉蠲除若二品已上不能自受者任授兄弟可班宣遠邇咸使知
之

魏書孝明紀武泰元年正月皇女生祕言皇子大赦改元二月帝崩皇子卽位大赦天下皇太后詔

賜崔亮聖書

破石既平、大勢全舉、淮堰孤危、自將奔遁、若仍敢遊魂、此當易已、立計擒翦、蟻徒應在旦夕、將軍推轂所憑、親對其事、處分經略、宜共協齊、必令得埽盪之理、盡彼遺燼也、隨便守禦、及分渡掠截、扼其咽喉、防塞走路、期之全獲、無令漏逸、若畏威降首者、自加錮宥、呂仁爲本、任之雅筭、一二往使、別宣

魏書崔亮傳

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後魏文卷十四終

全後魏文卷十五

烏程嚴可均校輯

元襲

襲平文帝子高涼王孤之五世孫孝文時襲父平僞松滋侯例
降侯賜艾陵伯太和中爲代尹及遷都畱鎮除懷朔鎮都大將
宣武時爲北中郎將帶河內太守歷度支尙書侍中雍州刺史
卒諡曰成

振興溫泉頌

夫駕輕烟勒麟鳳駛及奔星走攀流月蟬變羽化之民飡霞□□
之士斯蓋有道存焉固非人事之所覩覩至若泥行水驪血食之
夫興沒自天去來非已寸陰□於朝露百齡迅於滅電一物不諧
則眈贅以生庶事不康則風火以敗故聖王□百姓之多疹撰藥
后以濟之造化慈蒼生之鳩毒設甘餌以救之蓋溫泉者乃自然

之經方、天地之元醫、出于河渭之南、泄于麗山之下、淵華玉漱、
清數升靈、感超異、峻極不測、無樵薪之費、而揚湯沸于楚鑊、無公
蔬之探、而寒暑調于夏鼎、高塘之雲、朝舞于水湄、巫山之雨、夕收
于淵際、青林碧草、含露而迎岸、香風蕙色、列口而環渚、于是左湯
谷、右濛汜、南九江、北翰海、千城萬國之氓、懷疾枕疴之口、莫不宿
輟而來賓、療苦于斯水、但上無尺棟、下無環堵、悠悠君子、我將安
泊、孤忝發軔咸池、分條紫漢、道屬昇平、弱年徵仕、既歷通顯、朝望
已隆、爰自常伯、出居分陝、地兼陸海之饒、祿厚封君之室、而報天
之效、無聞、卹民之譽、安在、每思傾口微寒、深責以爲斯泉、天寶登
之、而人略未備、乃翦山開郭、因林構宇、邃館來風、清簷駐月、望想
煙霞、遲羽衣之或顧、願言多士、恕因茲以蕩穢、迺作頌曰、
皇皇上靈、愍我蒼生、泌彼溫泉、于此麗川、其水剋神、剋神剋聖、濟
世之醫、救民之命、其聖伊何、排霜吐旭、其神伊何、吞蛻去毒、無精

烟炭誰假樵木湛若虞淵沸如湯谷東枕華山西拒咸陽連晴接
吟墟落相望彩林爭翠紫樹成行香風旦起文霞夕張陟彼麗山
望想千里迺作高堂鴻飛鳳起三輔之英五都之士慕我方塵爰
居爰止其德既酋其聲既遠金華屑桂春山九轉日放羣羊手□
□犬控鵠來思俊我口堂而下闕
碑拓本

元珍

珍字金省長弟襲父平爵武陵男延昌初爲領軍將軍後遷尙
書左僕射

上言乙龍虎居喪并數閏月求仕

案違制律居三年之喪而冒哀求仕五歲刑龍虎未盡二十七月
而請宿衛刑五歲

魏書禮志四延昌二年偏將軍乙龍虎喪父給假二十七月而龍虎并數閏月詣府求上領軍

元珍上言又見通典一百

又上言

案士虞禮三年之喪、替而小祥、又替而大祥、中月而禫、鄭玄云中
猶間也、自喪至此、凡二十七月、又禮言祥之日、鼓素琴、鄭云鼓琴
者存樂也、孔子祥後五日彈琴而不成、十日而成笙歌、鄭注與鄭
志及踰月可以歌、皆身自逾月可爲、此謂存樂也、非所謂樂、樂者
使工爲之、晉博士許猛解三驗曰、案黍離麥秀之歌、小雅曰君子
作歌、惟已告哀、魏詩曰、心之憂矣、我歌且謠、若斯之類、豈可謂之
金石之樂哉、是已徒歌、謂之謠、徒吹謂之和、記曰比音而樂之、及
干戚羽毛謂之樂、若夫禮樂之施于金石、越于聲音者、此乃所謂
樂也、至于素琴、已示終、笙歌、已省哀者、則非樂矣、閒傳云、大祥除
衰杖而素縞麻衣、大祥之服也、雜記注云、衣黃裳、則是禫祭、黃者
未、大吉也、檀弓云、祥而縞、是月禫、徒月樂、鄭志趙商問鄭玄答云、
祥謂大祥、二十五月、是月禫、謂二十七月、非謂上祥之月也、徒月
而樂、許猛釋六徵曰、樂者自謂八音克諧之樂也、謂在二十八月

工奏金石之樂耳而駁云大祥之後喪事終矣脫如此駁禪復焉
施又駁云禪中鼓琴復有罪乎然禪則黃裳未大吉也鼓琴存樂
在禮所許若使工奏八音融然成韻既未徙月不罪伊何又駁云
禪中既得從御職事求上何爲不可檢龍虎居喪二十六月初是
素編麻衣大祥之中何謂禪乎三年沒閏理無可疑麻衣在體冒
仕求榮實爲大尤罪其焉捨又省依王杜禪祥同月全乖鄭義喪
凶尙遠而欲速除何忽忽者哉下府愚量鄭爲得之何者禮記云
吉事尙近日凶事尙遠日又論語云喪與其易寧戚而服限三年
痛盡終身中月之解雖容二義尙遠寧戚又檢王杜之義起于魏
末晉初及越騎校尉程荷贊成王肅駁鄭禪二十七月之失爲六
微三驗上言于晉武帝曰夫禮國之大典兆民所日用豈可二哉
今服禪者各各不同非聖世一統之謂鄭玄說二十七月禪甚乖
大義臣每難鄭失六有徵三有驗初未能破臣難而通玄說者如

荷之意謂鄭義廢矣太康中許猛上言扶鄭釋六徵解三驗曰鄭
禪二十七月爲得荷及王肅爲失而博士宋昌等議猛扶鄭爲衷
晉武從之王杜之義于是敗矣王杜之義見敗者晉武知其不可
行故也而上省同荷而贊王欲虧鄭之成軌竊所未寧更無異義
還從前處

魏書禮志四崔鴻駁珍又上言云云又略見通典一百

元子思

子思字眾念其次子孝莊初呂元天穆薦爲御史中尉封安定
縣子孝靜時遷侍中呂通使開西賜死

奏言尙書公事不應送御史

案御史令云中尉督司百察治書侍御史糾察禁內又云中尉出
行車輻前驅除道一里王公百辟避路時經四帝前後中尉二十
許人奉呂周旋未曾暫廢府寺臺省竝從此令唯肅宗之世爲臨
洮舉哀故兼尙書左僕射臣願不肯與名又不送薄故中尉臣願

道元舉而奏之而順復敗云尚書百揆之本令僕納言之貴不宜
下隸中尉送名御史尋亦蒙敕聽如其奏從此迄今便無準一臣
初上臺具見其事意欲申請決議但言權兼未宜便耳日復一日
遂歷炎涼去月朔旦臺移尚書索應朝名帳而省稽留不送尋復
移催并主吏忽爲尚書郎中裴獻伯後注云案舊事御史中尉逢
臺郎于複道中尉下車執板郎中車上舉手禮之自此而言明非
敵體臣既見此深爲怪愕旋省二三未解所已正謂都省別被新
式改易高祖舊命卽遣移問事何所依又獲尚書郎中王元旭報
出蔡氏漢官似非穿鑿始知裴王亦規壞典謨兩人心欲自矯臣
案漢書宣秉傳云詔徵秉爲御史中丞與司隸校尉尚書令俱會
殿庭並專席而坐京師號之爲三獨坐又尋魏書崔琰傳晉文陽
□傳報傳皆云旣爲中丞百寮震悚自此而言則中丞不揖省郎
蓋已久矣憲臺不屬都堂亦非今日又尋職令道典作又案孝文帝職令云朝

會失時卽加彈糾則百官簿帳應送上臺灼然明矣又皇太子已下違犯憲制皆得糾察則令僕朝名宣付御史又亦彰矣不付名至否臧何驗通典作若不送名到否何驗臣順專執未爲平通先朝曲遂豈是

正法謹案尚書郎中臣裴獻伯王元旭等望班士流早參清宦輕弄短札斐然若斯苟執異端忽焉至此此而不綱將隳朝令請已見事免獻伯等所居官付法科處尚書納言之本令僕百揆之要同彼浮虛助之乖失宜明首從節級其罪魏書宗室元子思傳又通典二十四引兩條

新興公

丕烈帝第四子謂之孫太武時擢拜羽林中郎賜爵興平子獻文卽位累遷侍中尚書令改封東陽公孝文時封東陽王拜侍中司徒遷太尉錄尚書事後例降王爵封平陽郡公遷太傅錄尚書事都督領并州刺史改封新興公坐罪免死爲民宣武卽位日爲三老景明四年薨年八十二諡曰平

諫南征表

乞少畱思更圖後舉

魏書宗室武衛將軍謂附傳高祖南征不表

奏議斬絞刑

聖心垂仁恕之惠使受戮者免裸骸之恥普天感德莫不幸甚臣

等謹議大逆及賊各棄市袒斬盜及吏受賕各絞刑陪諸甸師

刑罰志太和元年司徒元丕等奏言

對詔奏既葬卽吉

伏奉明詔羣情圯絕臣與元等不識古義日老朽之年歷奉累聖

國家舊事頗所知聞伏惟遠祖重光世襲至有大諱之日唯侍送

梓宮者凶服左右盡皆從吉四祖三宗因而無改世祖高宗臣所

目見唯先帝升遐臣受任長安不在侍送之列竊聞所傳無異前

式伏惟陛下以至孝之性哀毀過禮伏聞所御三食不滿半盞臣

等叩心絕氣坐不安席願暫抑至慕之情遵先朝成事思金冊遺

今奉行前式無失舊典

魏書禮志三詔遣尚書李冲宣旨于東陽王丕等不對

又奏

臣與尉元歷事五帝雖衰老無識敢奏所聞自聖世以來大諱之後三月必須迎神于西攘惡于北具行吉禮自皇始以來未之或

易

魏書禮志三通典八十東陽王丕奏

奏遷主太廟

竊聞太廟已就明堂功畢然享祀之禮不可久曠至于移廟之日煩得國之大姓遷主安廟禮部尚書王謨既是庶姓不宜參豫臣

皆曰皇室宗屬遷世祖之主先朝舊式不敢不聞

魏書禮志三太和十五年十月

大尉丕奏

饑民出關還食給過所議

諸曹下大夫已上人各將二吏別掌給過所州郡亦然不過三日

給之便訖有何難也

魏書宗室武衛將軍謝朏傳

元志

志字猛略烈帝玄孫河間公齊之孫孝文時爲洛陽令左遷太尉主簿尋爲從事中郎行恆州事宣武時除荊州刺史孝明初兼廷尉卿後除揚州刺史賜爵建忠伯尋爲雍州刺史爲莫折念生所擒見害前廢帝初昭尚書僕射太保

上言獄成不許家人陳訴

檢除名之例依律文獄成謂處罪案成者寺謂犯罪逕彈後使覆檢鞠證定刑罪狀彰露案署分明獄理是成若使案雖成雖已申省事下廷尉或寺已情狀未盡或邀駕撾鼓或門下立疑更付別使者可從未成之條其家人陳訴信其專辭而阻成斷便是曲遂于私有乖公體何者五詐既窮六備已立僥倖之輩更起異端進求延罪于漏刻退希不測之恩宥辨已惑正曲已亂直長民姦于下隲國法于上竊所未安

魏書刑罰志延昌三年六月兼廷尉卿元志監王靖等上言案元志傳諸宗

初兼廷尉卿刑罰志作延昌當有一誤

衛王儀

儀昭成帝孫登國初賜爵九原公改封平原公徙封東平公遷尚書令再遷都督中外諸軍事左丞相進封衛王鎮中山徵召丞相入輔與穆崇謀逆事露道武禡之天賜六年召天文變賜死

上書請御衮服

臣等聞宸極居中則列宿齊其晷帝王順天則羣后仰其度伏惟陛下德協二儀道隆三五仁風被于四海盛化塞于天區澤及昆蟲恩霑行葦謳歌所屬八表歸心軍威所及如風靡草萬姓顙顙咸思係命而躬履謙虛退身後已宸儀未彰衮服未御非所曰上允皇天之意下副樂推之心宜光崇聖烈示軌憲于萬世臣等謹昧死曰聞

魏書道武紀天興元年閏月左丞相驃騎大將軍衛王儀及諸王公卿士詣闕上書

托跋素

素昭成帝孫常山王遵之子明元帝之從昆弟賜爵尚安公太
武時拜假節征西大將軍鎮統萬文成時卒諡曰康

皇子名議

古帝王之制名其體有五有信有義有象有假有類伏惟陛下當
盛明之運應昌發之期誕生皇子宜曰德命魏書宗室托跋素傳
高宗詔羣臣議定皇

元景

景字壽興素孫宣武初爲徐州刺史坐罪僞死遇赦乃出後爲
王顯所譖誅靈太后臨朝召崔鴻疏理贈豫州刺史諡曰莊
臨刑自作墓誌銘

洛陽男子姓元名景有道無時其年不永魏書宗室
元壽興傳

元暉

暉字景襲素族宣武初拜尙書主客郎遷給事黃門侍郎再遷
侍中領右衛將軍出爲冀州刺史孝明初徵拜尙書左僕射攝
吏部選事神龜元年卒贈司空諡曰文憲

簡御史表

御史之職鷹鷂是任必逞爪牙有所噬搏若選後生年少血氣方
剛者恐其輕肆勁直傷物處廣愚謂宜簡宿官經事忠良平愼者
爲之魏書宗室元暉傳

上疏請布耳目日訪牧守

臣聞治人之本寔委牧守之官得其才則政平物理失其人則訟
興怨結自非察訪善惡明加貶賞將何已黜彼貪怠陟此清勤也
竊目大使巡省必廣迎送之費御史馳糾頗回威濫之刑且甄爾
往還理不委悉縱有簡舉良未平當愚謂宜令三司八座侍中黃
門各布耳目外訪州鎮牧將治人守令能不若德教有方清白獨

著宜召名聞卽加褒陟若治績無效貪暴遠聞亦便示牒登加恩
退如此則不出庭戶坐知四方端委垂拱明賞審罰矣

魏書宗室
元暉傳

上書論政要

其一曰御史之職務使得賢必得其人不拘階秩久于其事責其
成功其二曰安人寧邊觀時而動頃來邊將亡遠大之略貪萬一
之功楚梁之好未聞而蠶婦之怨屢結斯乃庸人所爲銳于姦利
之所致也平吳之計自有良圖不在于一城一戍也又河北數州
國之基本饑荒多年戶口流散方今境上兵復徵發卽如此日何
易舉動愚謂數年以來唯宜靜邊日息召役安人勸農惠此中夏
請嚴赦邊將自今有賊皮求內附者不聽輒遣援接皆須表聞違
者雖有功請目違詔書論三曰國之資儲唯藉河北饑饉積年戶
口逃散生長姦詐因生隱藏出縮老小妄注死失收入租調割人
于己人困于下官損于上自非更立權制善加檢括損耗之來方

在未已請求其議明宣條格

魏書元
鑒傳

元洪超

洪超昭成帝子力真之六世孫孝明初兼黃門侍郎累遷北軍
將光祿大夫

綬慰冀部還上言

冀土寬廣界去州六七百里負海險遠宜分置一州鎮遏海曲北史
十五遠西公意烈傳大業賊亂後詔洪超持節兼黃
門侍郎綬慰冀部還上言朝議從之後遂立滄州

元鑒

鑒字紹達道武子河南王曜之曾孫太和中襲爵拜通直散騎
常侍尋加冠軍將軍守河南尹進平南將軍除左衛將軍出為
征虜將軍齊州刺史宣武卽位轉徐州刺史正始中鑒諡曰悼
王

請免程靈則官表

梁郡太守程靈虬唯酒是耽貪財爲事虐政殘民寇盜竝起黷音
悖響盈于道路部境呼嗟會焉怨酷梁郡密邇僞畿醜聲易布非
直有點清風臣恐取嗤荒遠請免所居官以明刑憲

魏書河南
王曜附傳

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後魏文卷十六

烏程嚴可均校輯

江陽王繼

繼字世仁，道武曾孫，南平王霄之第二子。出後江陽王吐根，獻文時襲封。加平北將軍、孝文時歷安北將軍、撫冥鎮都大將，轉鎮北將軍、柔玄鎮大將，入爲左衛將軍，兼侍中、中領軍，畱守洛京。除平北將軍、鎮攝舊都。宣武時征虜將軍、青州刺史，轉平北將軍、恆州刺史，入爲度支尚書，免。起爲平東將軍、靈太后臨朝，除侍中、領軍將軍，進特進驃騎將軍，加驃騎大將軍，徙封京兆王，遷司空。神龜末，轉司徒，又轉太保，進太傅，除使持節、侍中、太師、大將軍、錄尚書事、大都督，轉太尉，復封江陽。孝昌初，坐子元叉黜免。孝莊卽位，爲太師、司州牧。永安二年薨，贈大丞相、雍州刺史，諡曰武烈。

討高車表

高車頑黨不識威憲輕相合集背復逃歸計其兇戾事合窮極若
悉追戮恐遂擾亂請遣使鎮別推檢斬讐首一人自餘加呂慰諭
若悔悟從役者卽令赴軍魏書江陽王繼傳高祖時除平北將軍
上討諸軍事自懷朔已
陳悉稟繼節度繼表

請議宗室預祭表

臣功總之內太祖道武皇帝之後于臣始是曾孫然道武皇帝傳
業無窮四祖三宗功德最重配天郊祀百世不遷而曾玄之孫悉
嘗之薦不預拜于廟庭霜露之感闕陪奠于階席今七廟之後非
直隔歸胙之靈五服之孫亦不霑出身之敘校之墳史則不然驗
之人情則未允何者禮云祖遷于上宗易于下臣曾祖是帝世數
未遷便疏同庶族而孫不預祭斯之爲屈今古罕有昔堯敷九族
周隆本枝故能磐石維城禦侮于外今臣之所親生見隔棄豈所

呂楨餘根本隆建公族者也伏見高祖孝文皇帝著令銓衡取曾祖之服呂爲資蔭至今行之相傳不絕而況曾祖爲帝而不見錄伏願天鑒有日照臨合皇恩洽穆宗人咸敘請付外博議永爲定準

魏書禮志二熙平二年十月侍中領軍將軍江陽王繼表言又見通典五十一

元叉

又字伯僞小字夜叉繼長子宣武時拜員外郎遷太后臨朝除通直散騎侍郎遷散騎常侍光祿少卿領嘗食典御轉光祿卿遷侍中加領軍將軍正光元年奏廢太后孝昌元年太后復臨朝除名爲民尋賜死追贈中書令冀州刺史

矯皇太后歸政詔

魏有天下奕葉重光高祖孝文皇帝日英聖取天徙京定鼎世宗宣武皇帝日睿明承業廓寧區夏而鴻勳未半早已登遐乃令車書弗同鯨寇尙熾幼主稚弱夙纂寶厯曾是宗祏莫克祗奉朕所

曰敬順羣請臨朝總政帝年曰長久思退身所曰往歲殷勤具陳
情旨百官內外已照此懷而僉爾眾意苦見勤奪備俛從事曰迄
于茲自此春來先疾屢發藥石攝療莫能善瘳夏首及今數加動
劇便不堪日釐萬務巨細兼省帝齒周星紀識學逾躋日就月將
人君道茂足日撫輯萬邦諧決百揆朕當率前志敬遜別宮遠惟
復子明辟之義曰自綏養實望羣公逮于黎庶深鑒斯理如此則
上下休嘉天地清晏魏道熙隆人神慶悅不其善歟魏書孝明紀
用附子作中元又作中劉騰奉帝幸前
殿矯皇太后詔云云乃幽太后于北宮
樂平王丕

丕明元帝庶長子泰常七年封樂平王拜車騎大將軍太平眞
君八年坐劉潔事曰憂死諡曰戾王

上疏諫討高麗

和龍新定宏優復之使廣脩農殖曰饒軍實然後進圖可一舉而

滅魏書樂平王不傳河朔勢高魏西祖諸遣
送之高麗不達世祖怒將討之上疏

樂安王範

範明元帝第四子泰常七年封樂安王太武時拜衛大將軍開
府儀同三司長安鎮都大將

上奏呂柳谷石文宣告四海

臣聞帝王之興必有受命之符故能經緯三才維建皇極三五之
盛莫不同之伏羲有河圖八卦夏禹有洛書九疇至乃神功播于
往古聖迹顯于來世伏惟陛下德合乾坤明竝日月固天縱聖應
運挺生上靈垂顧徵善備集是呂始光元年經天師奉天文圖錄
授太平眞君之號陛下渙執虛沖歷年乃受精誠感于靈物信惠
協于天人用能威加四海澤流宇內溥天率土無思不服今張掖
郡列言上池縣大柳谷山大石有青質白章間成文字記國家祖
宗之諱著受命祿數之符王公已下羣司百辟覩此圖文莫不感

勳僉曰自古以來、禎祥之驗、未有今日之煥炳也。斯乃上靈降命、國家無窮之徵也。臣等幸遭盛化、沐浴光寵、無日對揚天休、增廣天地、謹與羣臣參議、宜曰石文之徵、宣告四海、令方外僭竊知天命有歸。魏書靈徵志下、眞君五年二月、張掖郡上言、柳谷山石文、于是衛大將軍樂安王範、輔國大將軍建寧王崇、征西大將軍常山王素、征南大將軍恆農王奚斤上奏。

太子晃

晃、太武帝長子、延和元年立爲皇太子。正平元年薨、諡曰景穆。興安元年追尊爲景穆皇帝、廟號恭宗。

監國下令

周書言任農、曰耕事貢九穀、任圃、曰樹事貢草木、任工、曰餘材貢器物、任商、曰市事貢貨賄、任牧、曰畜事貢鳥獸、任嬪、曰女事貢布帛、任衡、曰山事貢其材、任虞、曰澤事貢其物、其制有司、課畿內之民、使無牛家、曰人牛力相貿、無牛家、與無牛家、一人

種田二十二畝、償己私鋤功七畝、如是爲差、至與小老無牛家、種田七畝、小老者、償己鋤功二畝、皆己五口下貧家爲率、各列家別口數、所勸種頃畝、明立簿目、所種者于地首標題姓名、已辨播殖之功、魏書太武紀下附

安定王休

休、晃第十三子、皇興二年封安定王、拜征南大將軍、孝文卽位、召爲使持節、侍中、都督、征東大將軍、領護東夷校尉、儀同三司、和龍鎮將、遷征北大將軍、撫冥鎮大將、遷太傅、車駕南伐、領大司馬、太和十八年薨、諡曰靖王。

請依成式公除表

上靈不弔、大行太皇太后崩、青溥天率土、痛慕斷絕、伏惟陛下孝思烝烝、攀號罔極、臣等聞先王制禮、必有隨世之變、前賢辦法、亦務適時之宜、夏呂世代不同、古今異致、故也、三年之喪、雖則自古、

然中代已後、未之能行、先朝成式、事在可準、聖后終制、刊之金冊、伏惟陛下至孝發衷、哀毀過禮、欲依上古喪終三年、誠協大舜孝慕之德、實非俯遵濟世之道、今雖中夏穆清、庶邦康靜、然萬機事殷、不可暫曠、春秋烝嘗、事難廢闕、伏願天鑒、抑至孝之深誠、副億兆之企望、喪期禮數、一從終制、則天下幸甚、日月有期、山陵將就、請展安兆域、弓倘奉終之禮、魏書禮志三太和十四年文明太后崩九月安定王休等率百寮詣闕表

又略見通典八十

又表

臣等聞五帝已前、喪期無數、三代相因、禮制始立、名雖虛置、行之者寡、高宗徒有諒闇之言、而無可遵之式、康王既廢、初喪之儀、先行卽位之禮、于是無改之道、或虧三年之喪、有缺、夫豈無至孝之君、賢明之子、皆已理貴隨時、義存百姓、是曰君薨、通典作喪而卽位、不暇改年、踰月而卽葬、豈待同軌、葬而卽吉、不必終喪、此乃二漢所

已經綸治道、魏管所已綱理政術、伏惟陛下已至孝之性、遭罔極之艱、永慕崩號、哀過虞舜、誠是萬古之高德、曠世之絕軌、然天下至廣、萬機至殷、曠之一朝、庶政必滯、又聖后終制、已有成典、宗社廢禮、其事尤大、伏願天鑒抑哀、毀之至誠、思在予之濱、責仰遵先志、典冊之文、俯哀百辟、元元之請、

魏書禮志三又略見通典八十

又表

臣等頻煩上聞、仰申誠款、聖慕惟遠、未垂昭亮、伏讀哀灼、憂心如焚、臣等聞承乾統極者、宜已濟世爲務、經綸天下者、特已百姓爲心、故萬機在躬、周康弗獲、申其慕漢文作戒、孝景不得終其禮、此乃先代之成軌、近世所不易、伏惟太皇太后、通典作伏惟大行皇太后、睿聖淵識、慮及始終、明誥垂于典策、遺訓備于末命、聿脩厥德、聖人所重、遵承先式、臣子攸尚、陛下雖欲終上達之禮、其如黎元何、臣等不勝憂懼之誠、敢冒重陳、乞垂聽訪、已副億兆之望、魏書禮志三十月休等又表又

昭見通

典八十

又表

奉被癸酉詔書述遺誡之旨昭達從之義遵儉葬之重式稱孝思
之渙誠伏讀未周悲感交切日月有期山陵卽就伏惟陛下永慕
崩號倍增推絕臣等具位在官與國休戚庇心之至不敢不陳咸
曰爲天下之至尊莫尊于王業皇極之至重莫重于萬機至尊故
不得曰常禮任已至重亦弗獲曰世典申情是曰二漢已降逮于
魏晉葬不過踰月服不淹三旬良曰叔世事廣禮隨時變不可曰
無爲之法行之于有爲之辰文質不同古今異制其來久矣自皇
代革命多歷年紀四祖三宗相繼纂業上承數代之故實俯副兆
民之企望豈伊不懷理宜然也文明太皇太后欽明稽古聖思淵
渙所造終制事合世典送終之禮旣明遺誥之文載備奉而行之
足曰垂風百王軌儀萬葉陛下以至孝之誠哀毀過禮三御不充

半溢晝夜不釋絰帶永思纏綿滅性幾及百姓所目憂懼失守臣等所目肝腦塗地王者之尊躬行一日固可目感徹上靈貫被幽顯況今山陵告終百禮咸畢日已淹月仍不上練比之前世理爲過矣願陛下思大孝終始之義愍億兆悲惶之心抑思割哀遵奉終制日時卽吉一日萬機則天下蒙恩率土仰賴謹依前式求定練日目備祔禘之禮

魏書禮志三文明太后既葬休又表又略見通典八十

安定王燮

燮休次子太和末除下大夫景明初罷爵安定王拜太中大夫永平中除征虜將軍華州刺史後爲幽州刺史

請移華州治馮翊表

謹惟州治李潤堡雖是少梁舊地晉苻錫壤然胡夷內附遂爲戎落城非舊邑先代之名爰自國初護羌小戍改鎮立郡依岳立州因籍倉府未刊名實竊見馮翊古城羌魏兩民之交許洛水陸之

際先漢之左輔、皇魏之右翼、形勝名都、實爲西蕃輿府。今州之所
在、豈惟非舊、至乃居岡飲澗、并谷穢雜、升降劬勞、往還數里、諄諄
明昏、有虧禮教、未若馮翊面華渭、包原澤、并淺池、平樵牧、饒廣采
材、華陰陸運七十、伐木龍門、順流而下、陪削舊雉、功省力易、人各
爲己、不目爲勞、昔宋民無井、穿井而所得、人況合城無水、得水而
不家慶、竊聞前政刺史、非是無意、或值兵舉、或遇年災、緣此契關、
稽延至此、去歲已熟、秋方大登、四境晏安、京師無事、丁不十錢之
費、人無八旬之勤、損輕益重、乞垂昭鑒。魏書安定王休附傳

造石窟像記

皇魏永平四年歲次辛卯十月十六日、假節督華州諸軍事征虜
將軍華州刺史安定王仰爲亡祖親孟太妃亡考太傅靜王亡妣
蔣妃敬造石窟一軀、依嚴製宇、刊崇沖室、妙鑄靈像、外相顯發、工
績嚴儀、凝華紫極、敬恃此福、上資先尊、咸使捨此塵軀、卽彼眞境、

口口六通口囑口口值遇口口早登十地又願居口口口口詳照
口永作山河口口口世一切舍生普同斯願

碑拓本

元匡

匡字建扶晃第二子新成之第五子出後廣平王洛侯宣武卽
位累遷給事黃門侍郎除肆州刺史遷恆州刺史徵爲大宗正
卿河南邑中正除度支尙書坐與高肇潰爭降爲光祿大夫兼
宗正卿出爲兗州刺史孝明卽位入爲御史中尉進號安南將
軍加鎮東將軍襲廣平王爵封東平郡王復與任城王澄不平
削爵除平州刺史徙青州刺史尋爲關右都督兼尙書行臺李
昌初卒諡曰文貞後復爵改封濟南王

奏三藩王妻名號

親王及始藩二藩王妻悉有妃號而三藩已下皆謂之妻上不得
同爲妃名而下不及五品已上有命婦之號竊目爲疑

魏書廣平王洛侯傳

案魏書于栗磳傳有奏劾于忠一篇今編入溫子昇集

元遙

遙字太原晃第三子推之子太和中爲左衛將軍封饒陽男
孝明初累遷左光祿大夫領護軍遷冀州刺史遭誣除名事雪
遷右光祿大夫大乘賊起出爲使持節都督北征諸軍事卒諡
曰宣

求仍屬籍表

竊聞聖人所目南面而聽天下其不可得變革者則親也尊也四
世而總服窮五世而袒免六世而親屬竭矣去茲已往猶繫之已
姓而弗別綴之已食而弗殊又律云議親者非唯當世之屬親歷
謂先帝之五世謹尋斯旨將呂廣帝宗重磐石先皇所目變茲事
餘爲此別制者太和之季方有意于吳蜀經始之費慮深在初割
滅之起豈出當時也且臨淮王提分屬籍之始高祖賜帛三千匹

所召重分離樂良王長命亦賜縑二千匹所召存慈睦此皆先朝
殷勤克念不得已而然者也古人有言百足之蟲至死不僵者已
其輔已者眾臣誠不欲妄親太階苟求潤屋但傷太宗一分則天
子屬籍不過十數人而已在漢諸王之子不限多少皆列土而封
謂之曰侯至于魏晉莫不廣胙河山稱之曰公者蓋惡其太宗之
不固骨肉之恩疏矣臣去皇上雖是五世之遠于先帝便是天子
之孫高祖所召國秩祿賦復給衣食后族唯給其賦不與衣食者
欲召別外內限異同也今諸廟之感在心未忘行道之悲儻然已
及其諸封者身亡之日三年服終然後改奪今朝廷猶在過當之
中便議此事實用未安

魏書京兆王子推附傳初遙大功昆弟皆
是恭宗之孫至肅宗而本服絕故除餘遙等

屬籍遙表靈太后不
從又見北史十七

元脩義

脩義字壽安晃第五子天賜之子孝文時自元士遷左將軍齊

州刺史徙秦州刺史孝明時累遷吏部尚書兼尚書右僕射西
道行臺行秦州事授雍州刺史卒贈司空諡曰文

張智壽陳慶和坐妹流坐議

昔哀姜停禮于魯齊侯取而殺之春秋所譏又夏姬罪濫于陳國
但責徵舒而不非父母明婦人外成犯禮之愆無關本屬況出適
之妹豐及兄弟乎魏書刑罰志神龜中簡陵公主駙馬都尉劉輝
坐與河陰縣民張智壽妹容妃陳慶和妹慧猛
奸亂殿主傷胎輝懼罪逃亡門下處奏各入死刑智壽
慶和並曰知情不加斷限處已流坐尚書元脩義曰爲

賜進士出身二品銜廣等處提刑按察使司按察使兼管驛傳事務萬箇王毓藻校刊

全後魏文卷十七

烏程嚴可均校

任城王澄

澄字道鏡，兗孫。太和七年，襲父任城王雲爵。加征北大將軍、使持節、都督北討諸軍事。尋除征南大將軍、梁州刺史，加侍中，轉征東大將軍、開府、徐州刺史。徵爲中書令，改授尚書令，加撫軍大將軍、太子少保，兼尚書左僕射。除吏部尚書，復兼右僕射，坐公事免。尋兼吏部尚書、除尚書右僕射，宣武卽位，出爲安西將軍、雍州刺史。徵爲鎮南大將軍、揚州刺史，加散騎常侍，轉鎮北大將軍、定州刺史。母憂服闋，除太子太保。孝明卽位，進尚書令，加散騎常侍、驃騎大將軍，遷司空，加侍中，領尚書令，遷司徒。神龜二年薨，贈太傅，領太尉，備九錫。諡曰文宣王。案魏書張普惠爲司空，表議普惠記多出普惠。

請脩立宗室四門學表

臣參訓先朝藉規有日前言舊軌頗亦聞之又昔在恆代親習皇宗熟祕序疑庭無闕日臣每于侍坐先帝未嘗不曰書典在懷禮經爲事周旋之則不輟于時自鳳舉中京方隆禮教宗室之範每蒙委及四門之選負荷銓量自先皇升遐未遑脩述學宮虛荷四門之名宗人有闕四時之業青衿之緒于茲將廢臣每惟其事竊所傷懷伏惟聖略宏遠四方罕務宴安之辰于是乎在何爲太平之世而令子衿之歎興焉聖明之日而使宗人之訓闕焉愚謂可敕有司脩復皇宗之學開闢四門之教使將落之族日就月將書

在城王
澄傳

討梁表

蕭衍頻斷東關欲合巢湖汎溢湖周回四百餘里東關合江之際廣不過數十步若賊計得成大湖傾注者則淮南諸戍必同晉陽

之事矣。又吳楚使水，且灌且掠，淮南之地將非固有。壽陽去江五百餘里，眾庶惶惶，並懼水害。脫乘民之顛，攻敵之虛，豫勒諸州，纂集士馬，首秋大集，則南濱可爲飲馬之津，霍嶺必成徙倚之觀。事貴應機，經略須早，縱混一不可必果。江西自是無虞，若猶豫緩圖，不加除討，關塞旣成，襄陵方及，平原民戍，定爲魚矣。魏書任城王澄傳

上表言革世事不宜案校

臣聞三季之弊，由于煩刑，火德之興，在于三約。是曰老聃云法令滋彰，盜賊多有。又曰其政察察，其民缺缺。又曰天網恢恢，疏而不漏。是故欲求治本，莫若省事。清心昔漢文斷獄四百，幾致刑措，省事所致也。蕭曹爲相，載其清靜，畫一之歌，清心之本也。今欲求之于本，宜曰省事爲先。使在位羣官，慕蕭曹之心，已毗聖化，如此則上下相安，遠近相信，百司不急，事無愆失，豈宜擾世教，已深文，享小鮮，已煩手哉。臣竊惟景明之初，暨永平之末，內外羣官，三經攷

課逮延昌之始方加黜陟五品已上引之朝堂親決聖目六品已下例由敕判自世宗晏駕大宥三行所已蕩除故意與物更始革世之事方相窮覈已臣愚見謂爲不可又尚書職分樞機出納昔魏明帝卒至尙書門陳矯亢辭帝慙而返夫已萬乘之重非所宜行猶屈一言諫而回駕羣官百司而可相亂乎故陳平不知錢穀之數丙吉不問僵道之死當時已爲達治歷代用爲美談但宜各守其職思不出位潔已已勵時請恭已致節又尋御史之體風聞是司至于冒勳妄攷皆有區別若一處有風謠卽應攝其一簿研檢虛實若差舛不同僞情自露然後繩已典刑人孰不服豈有移一省之案取天下之簿尋兩紀之事窮革世之尤如此求過誰堪其罪斯實聖朝所宜慎重也

魏書任城王澄傳御史中尉東平王部除書中兵勳案并諸職最微已案校

竊階盜官之人靈太后許之澄表

上表諫加女侍中貂蟬

高祖世宗皆有女侍中官未見綴金蟬于象珥極輝貂于鬢髮江南僞晉穆何后有女尚書而加貂璫此乃衰亂之世祗妄之服且婦人而服男子之服至陰而陽故自穆哀日降國統二絕因是劉裕所曰纂逆禮容舉措風化之本請依常儀追還前詔北史十八神龜元年詔加女侍中貂蟬同外侍中之飾澄上表諫帝從之資力聚財表

伏惟世宗宣武皇帝命將授旗隨陸啟顙運籌制勝淮漢自賓節用勞心志清六合是故繼武脩文仍世彌盛陛下當周康靖治之時豈得晏安于玄默然取外之理要由內彊圖人之本先在自己蕭衍雖虐使其民而窺覲不已若遇我虛疲士民凋瘵賊行年老志張思播虺毒此之弗圖恐受其病伏惟陛下妙齡在位聖德方昇皇太后總御天機乾乾夕惕若畱意于負荷忿車書之未一進賢拔能重官人之舉標賞忠清旌養人之器脩干戈之用畜熊虎

之士愛時鄙財輕寶重穀七八年間陛下聖略方剛親王德幹壯
茂將相膂力未衰愚臣猶堪戎伍荷戈帶甲之限蓄銳于今燕狐
冀馬之盛充牣在昔又賊衍惡積禍盈勢不能久子弟閭閻孽逆
已彰亂亡之兆灼然可見兼弱有徵天與不遠大同之機宜須著
備昔漢帝力疾討滅英布高皇臥病親除黥達夫曰萬乘之主豈
忘宴安實曰侵名亂正計不得已今宜募二帝之遠圖曰肅寧爲
大任然頃年以來東西難寇艱虞之興首尾連接雖尋得剪除亦
大損財力且饑饉之氓散亡莫保收入之賦不增出用之費彌眾
不愛力曰悅民無豐資曰待敵此臣所曰夙夜懷憂悚息不寧者
也易曰何曰守位曰仁何曰聚人曰財故曰財者非天不生非地
不長非時不成非人不聚生聚之由如此其難集人守位若此之
重興替之道焉可不慮又古者使民歲不過三日食壯者之糧任
老者之智此雖太平之法難卒而固然妨民害財不亦宜戒今墮

雉素脩、殿庫崇列、雖府寺膠熟、少有未周、大搃省府、粗得底憩、理
務諸寺靈塔、俱足致虔、講道唯明堂辟雍、國禮之大、來冬司徒兵
至、請籌量減徹、專力經營、務令早就、其廣濟數施之財、酬商互市
之幣、凡所營造、自非供御切須、戎仗急要、亦宜微減、曰務早積、庶
無橫損、民有全力、夫食土簋兩、媽德昭、寢卑室而禹功盛、章臺麗
而楚力衰、阿宮壯而秦財竭、存亡之由、灼然可觀、願思前王一同
之功、畜力聚財、曰待時會、魏書任城王澄傳、靈太后緒與佛
寺齋會、費損庫藏、曲資左右、澄表
上言太和五銖與新鑄五銖及古錢宜竝通用

臣聞洪範八政、貨居二焉、易稱天地之大德曰生、聖人之大寶曰
位、何曰守位曰仁、何曰聚人曰財、財者帝王所曰聚人守位成養
羣生奉順天德、治國安民之本也、夏殷之政、九州貢金、曰定五品、
周仍其舊、太公立九府之法、于是園貨始行、定銖兩之精、齊桓循
用、曰霸諸侯、降及秦始、漢文遂有輕重之異、吳濞鄧通之錢、收利

遍于天下、河南之地猶甚多焉、逮于孝武、乃更造五銖、其中毀鑄、隨利改易、故使錢有大小之品、竊尋大和之錢、高祖留心、勅制、後與五銖並行、此乃不刊之式、但臣竊聞之君子、行禮不求變俗、因其所宜、順而致用、太和五銖、雖利于京邑之肆、而不入徐揚之市、土貨既殊、貿鬻亦異、便于荆郢之邦者、則礙于充像之域、致使貧民有重困之切、王道貽隔化之訟、去永平三年、都座奏斷天下用錢、不依準式者、時被敕云、不行之錢、雖有常禁、其先用之處、權可聽行、至來年末、悉令斷之、暨延昌二年、徐州民儉、刺史啟奏、求行土錢、旨聽權依舊用、謹尋不行之錢、律有明式、指謂雞眼、鑄鑿更無餘禁、計河南諸州、今所行者、悉非制限、昔來繩禁、愚竊惑焉、又河北州鎮、既無新造五銖、設有舊者、而復禁斷、並不得行、專曰單絲之縑、疏縷之布、狹幅促度、不中常式、裂匹爲尺、呂濟有無、至今徒成杼軸之勞、不免飢寒之苦、良由分截布帛、壅塞錢貨、實非救

恤凍餒子育黎元謹惟自古以來錢品不一前後累代易變無常且錢之爲名欲泉流不已愚意謂今之太和與新鑄五銖及諸古錢方俗所便用者雖有大小之異並得通行貴賤之差自依鄉價庶貨環海內公私無壅其不行之錢及盜鑄毀大爲小巧僞不如法者據律罪之

魏書食貨志熙平初尙書令任城王澄上言又見通典九

臣猥屬樞衡庶罄心力常願貨物均通書軌一軌謹詳周禮外府掌邦布之入出布猶泉也其藏曰泉其流曰布然則錢之興也始于一品欲令世匠均同圓流無極爰置周景降逮亡新易鑄相尋參差百品遂令接境乖商連邦隔貿臣比奏求宣下海內依式行錢登被旨敕錢行已久且可依舊謹重參量目爲太和五銖乃大魏之通貨不朽之恆模寧可專貿于京邑不行于天下但今戎馬在郊江疆未一東南之州依舊爲便至于京西京北域內州鎮未用錢處行之則不足爲難塞之則有乖通典何者布帛不可尺寸

而裂五穀則有負擔之難錢之爲用貫繩相屬不假斗斛之器不勞秤尺之平濟世之宜謂爲渎允請並下諸方州鎮其太和及新鑄五銖并古錢內外全好者不限大小悉聽行之雜銀鑿依律而禁河南州鎮先用錢者既聽依舊不在斷限唯太和五銖二錢得用公造新者其餘雜種一用古錢生新之類普同禁約諸方之錢通用京師其聽依舊之處與太和錢及新造五銖並行若盜鑄者罪重常憲既欲均齊物品應市斯和若不繩已嚴法無已肅茲違犯符旨一宣仍不遵用者刺史守令依律治罪

魏書食貨志又見通典九

奏停祫祭應待年終

太常卿崔亮上言秋七月應祫祭于太祖今世宗宣武皇帝主雖人廟然烝嘗時祭猶別寢室至于殷祫宜存古典案禮三年喪畢祫于太祖明年春禘于羣廟又案杜預亦云卒哭而除三年喪畢而禘魏武宣后曰太和四年六月崩其月既葬除服卽吉四時行

事而猶未禘王肅韋誕並曰爲今除卽吉故特時祭至于禘祫宜存古禮高堂隆亦如肅議于是停不殷祭仰尋太和二十三年四月一日高祖孝文皇帝崩其年十月祭廟景明二年秋七月祫于太祖三年春禘于羣廟亦三年乃祫謹準古禮及晉魏之議并景明故事愚謂來秋七月祫祭應停宜待年終乃後祫禘

魏書禮志二延昌四年

年三月甲子尙書令任城王澄奏

奏參李瑋之等議宗室助祭

臣等參量瑋之等議雖爲始封君子又祭統曰有事于太廟羣昭羣穆咸在而不失其倫鄭注云昭穆謂同宗父子皆來也言未毀及同宗則共四廟之辭云未絕與父子明崇五屬之稱天子諸侯繼立無殊吉凶之赴同止四廟祖祧雖存親級彌遠告赴拜薦典記無文斯由祖遷于上見仁親之義疏宗易于下著五服之恩斷江陽之于今帝也計親而枝宗三易數世則廟應四遷吉凶尙不

告間拜薦寧容輒預高祖孝文皇帝聖德玄覽師古立政陪拜止

于四廟哀恤斷自總宗

通典作斷自宸聰

即之人情冥然符一推之禮典

事在難違此所謂明王相沿今古不革者也

魏書禮志二熙平二年江陽王繼表言道

武曾孫宜得預祭王僧奇議不得祭李玟之議得祭侍中司空領尚書令任城王澄侍中尚書左僕射元暉奏

奏請移禘祀在中甸

謹案禮記曾子問曰諸侯旅見天子不得成禮者幾孔子曰四太

廟火日蝕后之喪雨沾服失容則廢臣等謂元日萬國賀應是諸

侯旅見之義若禘廢朝會孔子應云五而獨言四明不廢朝賀也

鄭玄禮注云魯禮三年喪畢祫于太祖明年春禘羣廟又鄭志檢

魯禮春秋昭公十一年夏五月夫人歸氏薨十三年五月大祥七

月釋禫公會劉子及諸侯于平丘八月歸不及于祫冬公如晉明

十四年春歸祫明十五年春乃禘經曰二月癸酉有事于武宮傳

曰禘于武公謹案明堂位曰魯王禮也喪畢祫禘侶有退理詳攷

古禮未有日祭事廢元會者禮云吉事先近日脫不吉容改筮三旬尋攝太史令趙翼等列稱正月二十六日祭亦吉請移禘祀在中旬十四日時祭移二十六日猶曰春禘又非退義祭則無疏忽之譏三光有順軌之美既被成旨宜卽宣行臣等伏度國之大事在祀與戎君舉必書恐貽後誼輒訪引古籍竊有未安臣等學缺通經識不稽古備位樞納可不必陳冒陳所見伏聽裁衷

魏書禮志二

平二年十二月侍中司空領尚書令任城王澄度支尚書崔亮奏

奏請賞陟及守宰

竊惟雲構鬱起澤及百司企春望榮內外同慶至于賞陟不及守宰邇來十年冤訟不絕封回自鎮遠安州入爲太尉長史元匡自征虜恆州入作宗卿二人遷授並在先詔應蒙之理備在于斯兼州佐停私之徒陪臣郡丞之例尙蒙天澤下降榮及當時然參佐之來皆因府主今府主不霑佐官獨預棄本賞末愚謂未允今計

刺史守宰之官請準封回悉同汎限上允初旨百司之章下覆訟者元元之心魏書任城王澄傳初正始之末詔百司普昇一級而執事者不達旨意刺史守令限而不及登表 重奏

臣聞堯懸諫諍之鼓舜置誹謗之木皆所日廣耳目于芻蕘達四聰于天下伏惟太祖開基化隆自遠累聖相承于今九帝重光曷照污隆必同與奪隨時道無恆體思過如渴言重千金故稱無諱之朝邁蹤三五高祖冲年纂祚文明協統變官易律未爲違典及慈聖臨朝母儀寓縣爰發慈令垂心滯獄浹柱者仰日月于九泉微屈者希曲照于盆下今乃格旨先朝限旨一例斯誠奉遵之本心實乖元元之至望在于謙挹有乖舊典謹尋抱枉求直或經累朝毫釐之差正之宜速謬若干里駟馬弗追故禮有損益事有可否父有諍子君有諫臣琴瑟不調理宜改作是旨防川之論小決則通鄉校之言擁則敗國矧伊陳屈而可抑旨先朝且先朝屈者

非故風之或有司愛憎或執事濁候空文致法已誤視聽如此冤
寒彌在可哀僞之與濫寧失不經乞收今旨還依前詔

魏書任城王澄傳澄

奏請陽官及字宰詔云事經先朝不得重開澄重奏

奏利國濟民所宜振舉者十條

一曰律度量衡公私不同所宜一之
二曰宜興學校
三曰宜興黜陟
四曰宜興學校
五曰宜興黜陟
六曰宜興黜陟
七曰宜興黜陟
八曰宜興黜陟
九曰宜興黜陟
十曰宜興黜陟
十一曰宜興黜陟
十二曰宜興黜陟
十三曰宜興黜陟
十四曰宜興黜陟
十五曰宜興黜陟
十六曰宜興黜陟
十七曰宜興黜陟
十八曰宜興黜陟
十九曰宜興黜陟
二十曰宜興黜陟
二十一曰宜興黜陟
二十二曰宜興黜陟
二十三曰宜興黜陟
二十四曰宜興黜陟
二十五曰宜興黜陟
二十六曰宜興黜陟
二十七曰宜興黜陟
二十八曰宜興黜陟
二十九曰宜興黜陟
三十曰宜興黜陟
三十一曰宜興黜陟
三十二曰宜興黜陟
三十三曰宜興黜陟
三十四曰宜興黜陟
三十五曰宜興黜陟
三十六曰宜興黜陟
三十七曰宜興黜陟
三十八曰宜興黜陟
三十九曰宜興黜陟
四十曰宜興黜陟
四十一曰宜興黜陟
四十二曰宜興黜陟
四十三曰宜興黜陟
四十四曰宜興黜陟
四十五曰宜興黜陟
四十六曰宜興黜陟
四十七曰宜興黜陟
四十八曰宜興黜陟
四十九曰宜興黜陟
五十曰宜興黜陟
五十一曰宜興黜陟
五十二曰宜興黜陟
五十三曰宜興黜陟
五十四曰宜興黜陟
五十五曰宜興黜陟
五十六曰宜興黜陟
五十七曰宜興黜陟
五十八曰宜興黜陟
五十九曰宜興黜陟
六十曰宜興黜陟
六十一曰宜興黜陟
六十二曰宜興黜陟
六十三曰宜興黜陟
六十四曰宜興黜陟
六十五曰宜興黜陟
六十六曰宜興黜陟
六十七曰宜興黜陟
六十八曰宜興黜陟
六十九曰宜興黜陟
七十曰宜興黜陟
七十一曰宜興黜陟
七十二曰宜興黜陟
七十三曰宜興黜陟
七十四曰宜興黜陟
七十五曰宜興黜陟
七十六曰宜興黜陟
七十七曰宜興黜陟
七十八曰宜興黜陟
七十九曰宜興黜陟
八十曰宜興黜陟
八十一曰宜興黜陟
八十二曰宜興黜陟
八十三曰宜興黜陟
八十四曰宜興黜陟
八十五曰宜興黜陟
八十六曰宜興黜陟
八十七曰宜興黜陟
八十八曰宜興黜陟
八十九曰宜興黜陟
九十曰宜興黜陟
九十一曰宜興黜陟
九十二曰宜興黜陟
九十三曰宜興黜陟
九十四曰宜興黜陟
九十五曰宜興黜陟
九十六曰宜興黜陟
九十七曰宜興黜陟
九十八曰宜興黜陟
九十九曰宜興黜陟
一百曰宜興黜陟

奏配四中郎將兵數

魏書任城王澄傳

宜曰東中帶滎陽郡、南中帶魯陽郡、西中帶恆農郡、北中帶河內郡、選二品三品親賢兼稱者居之、省非急之作、配曰彊兵、如此則溪根固本、彊幹弱枝之義也。魏書任城王澄傳時四中郡將兵數寡弱不足已襟帶京師澄奏又重奏

固本宜彊、防微在豫、故雖有文事、不忘武功、況今南蠻仍獷、北妖頻結、來事難圖、勢同往變、脫暴勃忽起、振動關畿、四府羸卒、何已防擬、平康之世、可已寄安、遺之久長、恐非善策、如臣愚見、郎將領兵、兼總民職、省官實祿、于是乎在、求還依前增兵、益號將位、既重則念報亦淡、軍郡相依、則表裏俱濟、朝廷無四顧之憂、姦宄絕窺觎之望矣。魏書任城王澄傳澄奏配四中郡將兵數衆太后初將從之後議者不同乃止澄又重奏云云不納奏修都城府寺

都城府寺、猶未周悉、今軍旅初寧、無宜發眾、請取諸職人及司州郡縣犯十杖已上、百鞭已下、收贖之物、絹一匹、輸博二百、已漸修

造魏書任城王澄傳

奏劾高陽王雍

臣聞賞必曰道、用防淫人之姦、罰不濫及、曰戒良士之風、刑者例也、每垂三宥、秉律執請、不得已而用之、是小大之獄、察之曰情、一人呼嗟、或虧王道、刑罰得失、乃興廢之所由也、竊聞司州牧高陽王臣雍、拷殺奉朝請韓元昭前門下錄事姚敬賢、雖因公事、理實未盡、何者、太平之世、草不橫伐、行輦之感、事驗隆周、若昭等狀彰死罪、目定、應刑于都市、與眾棄之、如其疑倡、不分情理、未究、不宜曰三清九流之官、杖下便死、輕絕民命、傷理敗法、往年在州、于大市鞭殺五人、及檢贓狀、全無寸尺、今復酷害、一至于此、朝野云云、咸懷驚愕、若殺生在下、虐專于臣、人君之權、安所復用、自開古已來、明明之世、未聞斯比也、武王曰、吾不曰一人之命、而易天下、蓋重民命也、請曰見事付廷尉推究、驗其爲劫之狀、察其拷殺之理、

使是非分明幽魂獲雪

魏書任城王澄傳又略見北史十人任城王雲傳

奏言尚書奏事防宣露

尚書政本特宜遠慎故凡所奏事閣道通之蓋曰祕要之切防其

宣露宜有古制所重今反輕之內猶設禁外更寬也宜繕寫事意

百付公車

魏書任城王澄傳

奏請曰胡國珍參諮大務

安定公屬尊望重親賢羣囑宜出入禁中參諮大務

魏書胡國珍傳尚書令在

澄奏

奏禁私造僧寺

仰惟高祖定鼎嵩瀝卜世悠遠慮括終始制恰天人造物開符垂之萬葉故都城制云城內唯擬一永寧寺地郭內唯擬尼寺一所餘悉城郭之外欲令永遵此制無敢踰矩逮景明之初微有犯禁故世宗仰修先志爰發明旨城內不造立浮圖僧尼寺舍亦欲絕

其希觀文武二帝豈不愛尚佛法蓋曰道俗殊歸理無相亂故也
但俗眩虛聲僧貪厚憫雖有顯禁猶自冒營至正始三年沙門統
惠侯有違景明之禁便云營就之寺不忍移毀求自今已後更不
聽立先旨含寬抑典從請前班之詔仍卷不行後來私議彌旨奔
競永平二年歲等復立條制啟云自今已後欲造寺者限僧五十
已上聞徹聽造若有輒營置者依俗違敕之罪其寺僧眾擯出外
州爾來十年私營轉盛罪擯之事寂爾無聞豈非朝格雖明恃福
共毀僧制徒立顧利莫從者也不俗不道務爲損法人而無厭其
可極乎夫學迹冲妙非浮識所辯玄門曠寂豈短辭能究然淨居
塵外道家所先功緣冥冥匪尚華道苟能誠信童子聚沙可邁于
道場純施儉設足薦于雙樹何必縱其盜竊資營寺觀此乃民之
多幸非國之福也然比日私造動盈百數或乘請公地輒樹私福
或敗得造寺限外廣制如此欺罔非可稍計臣曰才劣誠忝工務

奉遵成規。裁量是總。所曰披尋舊旨。研究圖格。輒遣府司馬陸昶。屬崔孝芬。都城之中。及郭邑之內。檢括寺舍。數乘五百。空地表剎。未立塔宇。不在其數。民不畏法。乃至斯。自遷都已來。年踰二紀。寺尊民居。三分且一。高祖立制。非徒欲使緇素殊途。抑亦防微。慮世宗述之。亦不錮禁營福。當在杜塞未萌。今之僧寺。無處不有。或比滿城邑之中。或連溢屠沽之肆。或三五少僧。共爲一寺。梵唱屠音。連簷接響。像塔纏于腥臊。性靈沒于嗜慾。眞僞混居。往來紛雜。所司因習而莫非。僧曹對制而不問。其于汙染眞行。塵穢練僧。蕭猶同器。不亦甚歟。往在北代。有法秀之謀。近日冀州。遭大乘之變。皆初假神教。曰惑眾心。終設姦誑。用逞私悖。太和之制。因法秀而杜遠。景明之禁。慮大乘之將亂。始知祖宗徵聖。防遏處悞。履霜堅冰。不可不慎。昔如來闡教。多依山林。今此僧徒。戀著城邑。豈啻隘是經行所宜。浮誼必極禪之宅。當由利引其心。莫能自止。處者

既失其真。造者或損其福。乃釋氏之糟糠。法中之社鼠。內戒所不容。王典所應棄矣。非但京邑如此。天下州鎮僧寺亦然。侵奪細民。廣占田宅。有陽慈矜。用長嗟咎。且人心不同。善惡亦異。或有栖心真趣。道業清遠者。或外假法服。內懷悖德者。如此之徒。宜辨涇渭。若雷同一貫。何曰勸善。然觀法贊善。凡人所知。矯俗避嫌。物情同趣。臣獨何爲孤議獨發。誠曰國典一廢。追埋至難。法網暫失。條綱將亂。是曰冒陳愚見。兩顧其益。臣聞設令在予必行。立罰貴能肅物。令而不行。不如無令。罰不能肅。孰與亡罰。頃明詔屢下。而造者更滋。嚴限驟施。而違犯不息者。豈不曰假福託善。幸罪不加。人徇其私。吏難苟劾。前制無追往之辜。後旨開自今之恕。悠悠世情。遂忽成法。今宜加已嚴科。特設重禁。糾其來違。懲其往失。脫不峻檢。方垂容借。恐今旨雖明。復如往日。又旨令所斷。標榜禮拜之處。悉聽不禁。愚曰爲樹榜無常。禮處難驗。欲云有造。立榜證公。須營之。

解指言營禮如此則徒有禁名實通造路且徙御已後斷詔四行而私造之徒不懼制旨豈是百官有司怠于奉法將由網漏禁寬容託有他故耳如臣愚意都城之中雖有標榜營造竊功事可改立者請依先制在于郭外任擇所便其地若買得券證分明者聽其轉之若官地盜作卽令還官若靈像旣成不可移撤請依今敕如舊不禁悉令坊內行止不聽毀坊開門已妨里內通巷若被旨者不在斷限郭內準此商量其廟像嚴立而逼近屠沽請斷屠屠殺已潔靈居雖有僧數而事在可移者令就閑敞已避隘陋如今年正月敕後造者求依僧制案法科治若僧不滿五十者共相通容小就大寺必令充限其地賣還一如上式自今外州若欲造寺僧滿五十已上先令本州表列昭玄量審奏聽乃立若有違犯悉依前科州郡已下容而不禁罪同違旨庶仰遵先皇不朽之業俯奉今旨慈悲之令則繩墨可全聖道不墜矣

魏書釋老志神龜元年冬司空公尙書令

任城王澄奏

云云奏可

皇太后與駕議
皇太后稱制臨朝躬親庶政郊天祭地宗廟之禮所乘之車宜同
至尊不應更有制造周禮魏晉雖有文辭不辨形制假令欲作恐
未合古制而不可已爲一代典臣呂太常國子二議爲疑重集羣
官竝從今議惟恩裁決

魏書禮志四熙平元年六月司空
領尚書令任城王澄等五十人議

答張普惠書

文武之道自昔成規明恥教戰振古常軌今雖非公制而此州承
前已有斯式旣不勞民損公任其私射復何失也且纂文習武人
之常藝豈可于常藝之間要須令制乎比適欲依前州府相率王
務之暇肄藝良辰亦未言費用庫物也禮兄弟內除明哀已殺小
功客至主不絕樂聽樂則可觀武豈傷直自事緣須罷先已令停
方獲此請深具來意

魏書張普惠傳澄功衰在身欲于七月七日
集會文武北園馬射普惠奏記于澄澄意納

其言訛縮
自罷乃答

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後魏文卷十七終

全後魏文卷十八

烏程嚴可均校輯

元順

順字子和澄子爲給事中轉中書侍郎遷太常少卿。父憂去職服闋除給事黃門侍郎出爲平北將軍恆州刺史轉安東將軍齊州刺史徵爲給事黃門侍郎兼殿中尚書轉侍中孝昌中遷護軍將軍太常卿封東阿縣開國公除吏部尚書兼右僕射後除征南將軍右光祿大夫轉兼左僕射。余朱榮濟河出走爲陵戶所害建義初贈驃騎大將軍尚書令司徒定州刺史諡曰文烈。

蠅賦

并序

余自仲秋休沐端坐衡門寄想琴書託情紙翰而蒼蠅小蟲往來牀几疾其變白聊爲賦云

遐哉大道廓矣洪氛肇立秋夏爰啟冬春既含育於萬姓又芻狗而不仁隨因緣已授體齊美惡而無分生茲穢類靡益于人名備羣品聲損眾倫鼓脰繼翼紫首蒼身飛不能迴聲若遠聞點緇成素變白爲黑寡愛芳蘭偏貪穢食集桓公之屍居平叔之側亂鳴雞之響毀皇宮之飾習習戶庭營營榛棘反覆往還譬彼讒賊虐受既通譖潤罔極緝緝幡幡交亂四國于是妖姬進邪士來聖賢擁忠孝摧周昌拘于闕里天乙囚于夏臺伯奇爲之痛結申生爲之蒙災鴟鴞悲其室采芻懼其懷小弁隕其涕靈均表其哀自古明哲猶如此何況中庸與凡才若夫天生地養各有所親獸必依地鳥亦憑雲或來儀以呈祉或自擾而見文或負圖而歸德或銜書已告眞或天胎而奉味或殘軀已獻珍或主皮而興禮或牢豢已供神雖死生之異質俱有益于國人非如蒼蠅之無用唯構亂于蒸民

魏書任城王附傳

奏事

尚書百揆之本、令僕納言之責、不宜下令中尉送名、通典二十四

總書元

子思傳

元嵩

嵩字道岳、澄弟、太和中爲中大夫、遷員外常侍、轉步兵校尉、免、
已從平河北、功除左中郎將、兼武衛將軍、賜爵高平縣侯、宣武
卽位、進兼侍中、出爲平南將軍、荊州刺史、徙平北將軍、恆州刺
史、轉平東將軍、徐州刺史、又轉安南將軍、揚州刺史、爲蒼頭李
太伯所害、贈車騎將軍、領軍、諡曰剛侯、

謀舉河南表

蕭寶卷骨肉相殘、忠良先戮、臣下懼然、莫不離背、君臣攜貳、干戈
日尋、流聞寶卷、雍州刺史蕭衍兄懿于建業阻兵、與寶卷相持、荆
郢二州刺史、竝是寶卷之弟、必有圖衍之志、臣若遣書相聞、迎其

本謀冀獲同心并力除衞一衞之後彼必旋師赴救丹陽當不能復經營疆陲全固襄沔臣之軍威已得臨據則河南之地可一舉而收緣漢曜兵示以威德思歸有道者則引而納之受疑告危者則援而接之總兵竝銳觀釁伺隙若其零落之形已彰怠懈之勢已著便可順流摧鋒長驅席卷

魏書任城王附傳

元世儁

世儁一作世俊高子宣武時除給事中東宮舍人員外散騎常侍孝明時追論嵩勳封衛縣開國男遷冠軍將軍宗正少卿散騎常侍安南將軍武衛將軍河南尹尋除鎮東將軍青州刺史轉征東將軍孝莊時除衛將軍吏部尚書前廢帝時爲驃騎將軍仍加尚書後廢帝時加儀同三司改封武陽縣開國子孝靜初加侍中尚書右僕射遷尚書令興和中卒贈太傅諡曰躁戾與梁請和移文

侍中大驃騎同尙書令武陽子元世俊移梁執事乃眷江漢襟帶
南土疆場相望交錯如繡輜軒未通革車屬起一彼一此或利或
鈍亡載得與所獲蓋寡爭雞失牛所損更大空使干戈未戢戎馬
生郊髓腦塗于原野骸骨暴于草澤二國不和百姓何罪靜言思
之良所未悟我皇帝曰聖明啟運禮樂惟新澤漏原泉道光日月
方欲寢榆關之高峰罷輪臺之遠戍鐃劍戢爲農器納蒼生于仁
壽而前益州刺史傅和往處西蕃逢時多難歸途多阻流寓江濱
亦既來朝具陳彼意知已止戈在念去殺爲心留情灌爪遲存通
樂夙期所望實協虛想猶恐失詞或乖其實眷言在茲佇聞良信
至彼假節開遠軍李稜昔經垂翅遂掛天網矜是南寇拾之還書
故因其致書用宣朝旨若覆前言共敦鄰好當拂逆旅已待行人

文苑英華
六百五十

中山王英

英字虎兒、晃孫、太和中爲平北將軍、武川鎮將、假魏公、遷梁州刺史、進安南大將軍、賜爵廣武伯、丁父憂、起爲左衛將軍、加前將軍、遷大宗正、轉尙書鎮荊州、免、宣武卽位、行徐州還、復尙書鎮南將軍、拜吏部尙書、進爵常山侯、復假鎮南將軍、正始元年、改封中山王、兵敗、恕死爲民、復假征南將軍、除尙書僕射、永平三年薨、贈司徒、謚曰獻武王、

乞乘虛取河南表

臣聞取亂侮亡、有國之常道、陳師鞠旅、因機而致發、竊已區區寶卷、罔顧天常、憑恃山河、敢抗中國、今妖逆數亡、驕縱日甚、威侮五行、怠棄三正、淫刑已逞、虐害無辜、其雍州刺史蕭衍、東伐秣陵、埽土興兵、順流而下、唯有孤城、更無重衛、此則皇天授我之日、曠載一逢之秋、事易走丸、理同拾芥、此而不乘、將欲何待、臣乞躬率步騎三萬、直指沔陰、據襄陽之城、斷黑水之路、昏虐君臣、自相魚肉、

我居上流、威震遐邇、長驅南出、進拔江陵、其路既近、不盈五百、則三楚之地、一朝可收、岷蜀之道、自成斷絕、又命揚徐二州、聲言俱舉、緣江焚毀、靡使所遺、建業窮蹙、魚遊釜內、士治之師、再興孫皓之縛、重至齊文軌而大同、混天地而爲一、伏惟陛下、暫闕旒纁、少垂聽覽、獨決聖心、無取疑議、此期脫爽、并吞未日、

魏書南安王楨附傳

又奏

臣聞乘虛討弱、事在速舉、因危攻昧、微捷可期、今寶卷亂常、骨肉相賊、蕃戍鼎立、莫知所歸、義陽孤絕、密邇天境、外靡糧援之期、內無兵儲之固、此乃臨焚之鳥、不可去薪、授首之寇、何容緩斧、若此行有果、則江右之地、斯爲經略之基、如脫否也、非直後舉難圖、亦或居要生疾、今豫州刺史司馬悅已戒嚴、垂邁而東、豫州刺史田益宗方擬守三關、請遣軍司爲之節度、

魏書南安王楨附傳

圖鍾離未克、乞寬假日期表

臣奉辭伐罪志殄逋寇想敵量攻期至二月將末三月之初理在必克但自此月一日日來霖雨連作可謂天違人願然王者行師舉動不易不可日少致睽淹便生異議臣亦諦思若入三月已後天晴地燥憑陵是常如其連雨仍接不得進攻者臣已更高邵陽之橋防其汎突意外洪長慮其破橋臣亦部分造船復于鍾離城隨水狹處營造浮橋至三月中旬橋必克成晴則攻騰雨則圍守水陸二圖日得爲限實願朝廷特開遠略少復賜寬假日日月無使爲山之功中途而廢

魏書南安王桢附傳

奏請遣使就郡校練學生

謹案學令諸州郡學生三年一校所通經數因正使列之然後遣使就郡練考臣伏惟聖明崇道顯成均之風蘊義光膠序之美是日太學之館久置于下國四門之教方構于京廛計習訓淹年聽受累紀然僞造之流應問于魏闕不革之輩宜返于齊民使就郡

練政，覆其於殿，頃已皇都遷構，江揚未一，故鄉校之訓，弗遑正試，致使薰蕕之質，均誨學庭，蘭蕭之體，等教文肆，今外宰京官，銓攷尚訖，求遺四門博士明通五經者，道別校練，依令黜陟。

魏書南安王植附傳

中山王熙

熙字真興，英子。延昌二年襲封，累遷兼將作大匠，拜太常少卿，給事黃門侍郎，轉光祿勳，除平西將軍、東秦州刺史，進號安西將軍、祕書監，尋授相州刺史。自正光元年七月之官，八月起兵討元叉，見殺。靈太后反政，贈太尉、冀州刺史，諡曰文莊王。

舉兵上表討元叉

臣聞安危無常，時有休否，臣早屬休明，晚逢多難，自皇基隆茂，九葉承光，高祖世宗，徽明相襲，皇太后聖敬自天，德同馬蜀，至尊神

睿纂御，神鑒燭遠，四海晏如，八表歸化，而領軍將軍元叉寵藉外

親，叨榮左右，豺狼爲心，飽便反噬，遂使二宮阻隔，溫清闕禮，又太

傳清河王橫被屠害致使忠臣烈士喪氣闕庭親賢宗戚憤恨內外妄指鹿馬孰能踰之王董權逼方此非譬臣仰瞻雲闕泣血而生曰細草不除將爲爛漫況又悖逆如此孰可忍之臣忝精枝葉思盡力命碎首屠肝甘之若薺今輒起義兵實甲八萬大徒旣進文武爭先與并州刺史城陽王徽恆州刺史廣陽王淵徐州刺史齊王蕭寶寅等同曰今月十四日俱發庶仰憑祖宗之靈俯罄義夫之命埽翦凶醜更清京邑臣親總三軍星邁赴難置兵溫城伏聽天旨王公宰輔或世著忠烈或宿佩恩顧如能同力翦除元凶使太后至尊忻然奉對者臣卽解甲散兵赴謝朝闕臣雖才乖昔人位居藩屏寧容坐觀姦醜虛受榮祿哉

魏書南安王植附傳

將死與知故書

吾與弟竝蒙皇太后知遇兄據大州弟則入侍殷勤言色恩同慈母今皇太后見廢北宮太傅清河王橫受屠酷主上幼年獨在前

殿君親如此無日自安故率兵民建大義于天下但智力淺短旋見囚執上慙朝廷下愧相知本自名義于心不得不爾流腸碎首復何言哉昔李斯憶上蔡黃犬陸機想華亭鶴唳豈不曰恍惚無際一去不還者乎今欲對秋月臨春風藉芳草蔭花樹廣召名勝賦詩洛濱其可得乎凡百君子各敬爾宜爲國爲身善勛名節立功立事爲身而已吾何言哉

魏書南安王植附傳

城陽王徽

徽字顯順晃曾孫正始末襲父鸞爵城陽王除游擊將軍出爲河內太守徽拜長兼散騎常侍孝明卽位除後將軍并州刺史加安北將軍後拜安西將軍秦州刺史改授輔國將軍加度支尚書進號鎮軍將軍兼吏部尚書加侍中征東將軍遷衛將軍右光祿大夫拜尚書左僕射轉車騎將軍儀同三司解侍中尋除尚書令孝莊卽位拜司州牧進司徒除侍中大司馬太尉進

太保仍大司馬宗師錄尚書事。余朱兆之難出奔，爲故吏寇彌所害。孝武卽位，贈太師，諡曰文獻。

上孝莊帝敕辭官封

河上之功，將士之力，求回所封，加諸勳義。

魏書城陽王長壽附傳

東平王翰

翰，太武帝第三子。太平眞君三年，封秦王，拜侍中、中軍大將軍，參典都曹事。後鎮枹罕，改封東平王。及太武崩，爲中常侍，矯太后令所殺。

人日登壽張安仁山銘

正月七日，厥日惟人，策我良駟，陟彼安仁。

御覽三十

臨淮王彧

彧，字文若，本名亮，字仕明。太武子臨淮王譚之孫。宣武時，拜前軍將軍、中書侍郎，除給事黃門侍郎，襲封臨淮王。長兼御史中

周累遷侍中衛將軍左光祿大夫兼尚書左僕射攝選孝明末
爲東道行臺尋奔梁孝莊卽位歸爲尚書令大司馬兼錄尚書
進司徒爲余朱兆所害孝武卽位贈太師太尉雍州刺史

諫孝莊帝曰高祖爲伯考表

漢祖創業香街有太上之廟光武中興南頓立春陵之寢元帝之
于光武疏爲絕服猶尙身奉子道入繼太宗高祖之于聖躬親實
猶子陛下旣纂洪緒豈宜加伯考之名且漢宣之繼孝昭斯乃上
後叔祖豈忘宗承考妣蓋曰大義斯奪及金德將興宣王受寄自
茲而降世秉威權景王意存毀冤文王心規裂冠雖祭則魏主而
權歸晉室昆之與季實傾曹氏且子元宣王冢胤文王成其大業
故晉武繼文祖宣景王有伯考之稱曰今類古恐或非僞又臣子
一例義彰舊典禘祫失序著議前經高祖德溢寰中道超無外肅
祖雖勳格宇宙猶曾奉鬯稱臣穆皇后稟德坤元復將配享乾位

此乃君臣竝筵、嫂叔同室、歷觀墳籍、未有其事、

魏書臨淮王譚附傳

王爲文穆皇帝廟號肅祖將遷神主于太廟曰高祖爲伯考或表諫

又表

爰自中古迄于下葉、崇同君親、褒明功懿、乃有皇號、終無帝名、今

若去帝、直留皇名、求之古義、少有依準、

魏書臨淮王譚附傳

奏言宋遊道事狀

臣忝冠百寮、遂使一郎擢袂高聲、肆言頓挫、乞解尙書令、

北齊書宋遊道

傳

賜準士出身、品銜廣東等處提刑按察使司按察使、兼管驛傳事務、黃岡王毓藻校刊

全後魏文卷十八終